

太師王端毅公奏議

太師王端毅公奏議卷之二

巡撫雲南

處置邊務奏狀

節該欽奉

勅諭命臣巡撫雲南地方仍禁約接連交趾等處地界官吏軍民不許私通商旅往來交易除欽遵通行外近訪得交趾着頭目換易服飾裝作客商潛入臨安等處地面聽探消息又訪得三五年前有一江西人王姓者曾到雲南要冒籍報名科舉所司不容隨後其

人奔往交趾受彼僞御史職事爲之運籌畫策提兵巡邊且彼不特此一人而已亦有僞總兵等官往來巡守又聞交人以蓮花灘爲市專一收買雲南販去生銅鑄造短鎗曩者跟隨太監錢能京衛指揮郭景齋

勅道由雲南而往遂使交人有假道赴京之舉然此雖由郭景誘致實乃彼之欲爲今又聞交趾走回軍人說稱在前交趾吞了占城之時就要乘勢來犯

夫朝雲南地方觀此數事則交人奸謀詭計

不言可知明者睹未萌况已著耶今臨安府
密邇交吐不處雖設一衛實在官軍除屯種
守哨等項差撥外見操止有二百餘人通計
雲南二十五衛所實在官軍除屯種守哨等
項差撥外見操不及一萬三千人每處見操
官軍多者不過七八百人其他諸夷雜處該
徵稅糧數少且又不通舟楫官軍糧餉止靠
屯田供給別無來處見今所在食糧不敷一
年支用况兼頻年以來災荒不收今歲尤甚
軍民憔悴日不聊生盜賊在在生發動輒劫

掠殺人東備西出殆無寧日加以廣西廣
南元江羅雄等處土官連年讎殺不聽
撫化再加以開辦銀課索取進貢等項地
方騷擾人心失寧况臨安雖委指揮一員在
彼守備名位不重難以節制衛所金齒雖有
副總兵都督同知沐瓚在彼止可鎮守金齒
騰衝二處控制外夷地方亦不能兼制臨安
又照得迤東曲靖六凉等處迤西洱海大理
等處在前俱有守備都指揮專一提督操練
以防盜賊其後一向缺官操守及照都司止

有都府揮僉事方明掌管印信兼理馬政周
佐協同管事兼管操吳瑤操備近又爲事問
發帶俸差操士倫奉

初提督屯種亦已病故俱各缺人替補然事
機之殷盜賊之多兵力之寡財用之乏征科
之繁軍民之困守職之缺如此又况臣才識
凡庸卑力衰憊恪守憲綱固所當勉經畧邊
務實非所長萬一交人跳梁寇兵北向難稱
爲手足之疾未免貽

宵旰之憂除行都布按三司分巡分守官兼

約接連交趾等處地界官吏軍民不許私通
商旅交易銅鐵等物及提督各處官軍時常
操練慎固封守嚴加陞備及將前項都指揮
員缺會同鎮守巡按等官推舉相應人員另
行奏

請定奪外伏望

聖明憐憫地方特

勅該部計議合無將雲南都司所轄衛所除
金齒騰衝二邊衛官不動外其餘二十二衛
所見操官軍於內量調四千員名分兩班令

其輪流前去臨安協同本處官軍舍餘在彼
操守半年一換上班之日照例給與行糧下
班住支仍添設才識老成副使一員專一在
彼整飭兵備公同守備官操習人馬振揚威
武一以防腹裏之盜賊一以備外夷之侵侮
及將雲南安寧黑白鹽井等鹽課提舉司成
化四年五年六年七年八年存積鹽課就於
本布政司召商開中十萬餘引每引令其納
足色白銀六錢於本司官庫收貯以備糴買
軍餉不許權豪勢要之家占中侵奪民利剥

削竈戶仍將開辦銀課及進貢寶石等項暫
且停止仍

簡命年力精強才兼文武大臣一員代臣巡
撫其地將臣放歸田里以終餘年如此則任
用得人武備不期脩而自脩軍民安業盜賊
不期息而自息矣緣係處置邊務事理未敢
擅便具奏謹題

奏解犯人及叅鎮守官奏狀

准兵部咨內開安南走回軍丁楊四說稱舊
年三月內見有

朝差指揮等三十餘人到安南地方送與
交趾王馬二匹細狗二隻弓一張箭一細十
碑地方軍機重情合當查究但不曾指實是
何指揮姓名合無行巡撫雲南左副都御史
王會同雲南巡按監察御史查訪是何衛
分指揮帶領三十餘人前去安南有何公幹
緣何饋送國王馬匹弓箭等物要見的確明
白一名名行捉到官取問如律情輕者就彼
先行照例發落內指揮與情重者枷鎖差人
押送赴京再問另行奏請定奪奏

准移咨前來行據雲南都布按三司呈稱得
有原跟

欽差鎮守雲南太監錢能名下金吾左衛指
揮使郭景齋捧

勅書前來雲南帶領人伴戎達等往安南國
開諭當將戎達等行提到官監候查得郭景
先該太監差往干崖等處公幹未回委據雲
南按察司僉事方進呈稱前到金齒司捉獲
本犯懼罪投井身死將跟隨人伴時瑛等并
求索夷方寶石等件強奪伯夷人口罕擺等

解報到院臣會同巡按雲南監察御史甄希
賢問得犯人成達招係雲南都司廣南衛右
所百戶陳宗原總旗錢聚下小旗成化十年
八月內有達跟隨鎮守雲南太監錢能名下
金吾左衛已故指揮郭景公差到京蒙差本
官齎捧

勅諭前去交陟有本官明知廣西是出使交
陟路道不合枉道回至雲南就在太監衙內
住坐存錢太監與達并今在官小旗劉全孫
千戶家人孫得兒完千戶家人羅順兒已故

總旗李俊說稱差你每跟郭景往交趾去你可作急收拾衣鞋違等不合依聽本月二十一日早郭景令人叫領人夫從衙內擡出黑木櫃六箇竹籠三箇又牽出白點子大馬一匹火食藥品一担并弓箭腰刀等件在外違等跟隨本官當日起身衙內又差百戶蔣雄亦不合依聽護送前去本月二十三日到通海驛歇郭景不合挾勢索要火千戶虎鯨細狗一隻又叫前所久慣下番已故軍人史義跟隨同行二十五日到臨安衛歇郭景又索

要本衛指揮華鐸驃馬一匹清沙馬一匹
銀十兩軍人葉周白花細狗一隻夫令本衛
差今在官總旗任能張求小旗潘原未到官
千戶葉春百戶鄒斌總旗陳名王瑄小旗李
貴帶領軍人鄭忠等四十四名各不合依廳
各帶器械護送又帶今在官華鐸家人華通
識字軍人孟達并伊家人孟海餘丁王成未
到官總旗鄒鑑小旗詹鈺軍餘李景各不合
跟隨前去又差建水州失記名民人段麻子
先去交陞界上報信二十八日臨安起身二

十九到蒙自縣上官祿剛家安歇又將伊家
牛一隻宰殺喫用本年十二月初四日到交
趾地界清水河曠野去處搭蓋窩鋪安歇本
月二十五日交趾差頭目人帶領官軍不知
其數到蠻來寨駐劄二十六日差通事帶三
四十人到清水河往來吞話三日至三十日
有船二十隻來接有蔣雄葉春鄒斌帶領旗
軍任能等并孟海回還達同李俊劉全孫得
兒羅順兒華通鄒鑑詹鉞孟達王成李景史
義各亦不合越度邊關跟隨郭景上船過河

到蠻來驛安歇有交趾頭目來見就令官軍
將館驛圍住成化十一年正月初四日上船
行一日又到亦不知名館驛安歇仍令官軍
將館驛圍住初五日行半日過蓮花灘灘下
有船二百餘隻每船有軍十餘人亦有吹鼓
手達等每人坐一船就裝載原帶行李馬匹
等件之行數程失記日期到歸化衛又有太
船數隻來接一十日到紫蓮州交趾王先在
彼下營接待江中又有大小船三四百隻郭
景兗王在彼輒將

勅諭置於船內輕身先去拜見王見郭景來拜見因說我身上不安免拜本日王回城郭景同達等仍在船內歇次日又行三十餘里王又在岍上立迎郭景即奉

勅諭上岸置於龍亭王先回郭景隨

勅諭進王城官軍將達等圍送天使館宴歇

郭景見王畢亦到館內二十二日王遣官送

下程二十二日郭景於前項木櫃內取出紅

寶石頂子青紵絲尾隴帽一頂金廟起花玉

帶一條金廟寶石綠環二付一付紅寶石心